



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel. (032) 878-877*

*fax (032) 879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi : ASA Banka d.d. Sarajevo : 134030000007482*

*Raiffeisen bank d.d. BiH Sarajevo – filijala Zenica : 1610550009120069*

---

---

## UPRAVNI ODBOR

Broj:01-2.16-3059/24

Datum:05.08.2024. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14 i 59/22), na svojoj 75. sjednici održanoj dana 05.08.2024. godine, donosi

### ODLUKU

o izboru najpovoljnijeg ponuđača za nabavku radova  
utopljanja Glavnog objekta JU „Dom zdravlja“ Zavidovići

#### Član 1.

Ugovor za nabavku radova utopljanja Glavnog objekta JU „Dom zdravlja“ Zavidovići, dodjeljuje se ponuđaču **GP Tuzlić d.o.o. Zavidovići**.

#### Član 2.

Ponuda ponuđača **GP Tuzlić d.o.o. Zavidovići** u provedenom otvorenom postupku javne nabavke, bila je prihvatljiva ponuda i nakon održane e-aukcije imala je najnižu cijenu, te će se ovom ponuđaču ponuditi ugovor o nabavci radova utopljanja Glavnog objekta JU „Dom zdravlja“ Zavidovići, u ukupnom iznosu od **378.500,00 KM bez PDV-a**, što sa PDV-om iznosi 442.845,00 KM.

#### Član 3.

Drugi po rangu, nakon provedene e-aukcije, bio je ponuđač DKM gradnja d.o.o. Maglaj sa ukupnom cijenom ponude u iznosu 378.900,00 KM bez PDV-a.

#### Član 4.

Treći po rangu, nakon provedene e-aukcije, bio je ponuđač Metal Z d.o.o. Zavidovići sa ukupnom cijenom ponude u iznosu 399.800,00 KM bez PDV-a.

## Član 5.

Četvrti po rangu, nakon provedene e-aukcije, bio je ponuđač Elektrocentar Petek d.o.o. Tuzla sa ukupnom cijenom ponude u iznosu 420.000,00 KM bez PDV-a.

## Član 6.

Izabrani ponuđač **će morati dostaviti original ili ovjerenu fotokopiju** kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

## Član 7.

Ova odluka stupa na snagu danom donošenja.

## Obrazloženje

Obavještenjem o nabavci, broj: 638-1-3-211-3-101/24 koje je objavljeno na portalu javnih nabavki dana 28.06.2024. godine i u „Službenom glasniku BiH“, broj: 47 od 05.07.2024. godine, pokrenut je otvoreni postupak javne nabavke za dostavu ponuda za nabavku radova utopljavanja Glavnog objekta JU „Dom zdravlja“ Zavidovići.

Tendersku dokumentaciju za predmetnu nabavku sa portala javnih nabavki preuzelo je 18 ponuđača i to: LUKMAN D.O.O., YAVUZ COMPANY D.O.O. EKAPIJA DOO, BBS EUROPE, GRAVIT, MK ALU PLAST, DKM GRADNJA D.O.O., METAL Z D.O.O., ZAVIDOVIĆI, NIVEX D.O.O., GD KONSTRUKCIJE D.O.O., PROGRAD D.O.O., TUZLIĆ D.O.O., ALMY D.O.O., KRISTAL, ELEKTROCENTAR PETEK D.O.O., HUNES D.O.O., ALMY-GRADNJA D.O.O., OD MAJSTOR U KUĆI.

Na adresu JU “Dom zdravlja” Zavidovići dostavljene su 4 ponude i to: Elektrocentar Petek d.o.o. Tuzla, DKM gradnja d.o.o., Metal Z d.o.o. Zavidovići i GP Tuzlić d.o.o. Zavidovići.

Nakon pregleda dostavljene dokumentacije Komisija za javne nabavke utvrdila je da sve četiri ponude odgovaraju uslovima iz tenderske dokumentacije, odnosno da su prihvatljive ponude.

Procijenjena vrijednost nabavke iznosila je 424.268,06 KM bez PDV-a.

Uputstvom za pripremu modela tenderske dokumentacije i ponuda (“Službeni glasnik BiH“, broj: 90/14) u članu 17. propisano je da je ugovorni organ obavezan provjeriti računsku ispravnost ponude.



U postupku pregleda ponude ponuđača METAL Z d.o.o. Zavidovići, za nabavku radova utopljanja Glavnog objekta JU „Dom zdravlja“ Zavidovići, broj: 638-1-3-211-3-101/24, provjerom računске ispravnosti iste, utvrđena je računska greška koja se ogleda u pogrešnom izračunu ukupne cijene bez PDV-a, usljed pogrešnog izračuna stavki u Obrascu za cijenu ponude - ANEKS 3.

Članom 5. stav 4. Uputstva za pripremu modela tenderske dokumentacije i ponuda propisano je da prilikom ispunjavanja obrasca za cijenu ponude ponuđač ukupnu cijenu stavke izračunava kao: „a) proizvod količine stavke i cijene stavke, b) proizvod zbirnog procijenjenog udjela više objedinjenih stavki i zbirne cijene više stavki na koje se taj zbirni procijenjeni udio odnosi,“ dok je u stavu 2. člana 17. Uputstva za pripremu modela tenderske dokumentacije i ponuda, propisano da, kada izračuni vezani za pojedinačne stavke iz obrasca za cijenu ponude ili cijena ponude bez poreza na dodatnu vrijednost navedeni u ispunjenom obrascu za cijenu ponude u ponudi ne odgovaraju metodologiji definisanoj u članu 5. ovog uputstva, ugovorni organ ih ispravlja u skladu sa metodologijom iz člana 5. ovog uputstva.

U Tenderskoj dokumentaciji, broj: 01-2.12-2593/24 od 28.06.2024. godine, ugovorni organ odredio je predmet (opis radova), jedinicu mjere i količinu, te je ponuđač u prilogu II - Obrazac za cijenu ponude-radovi ANEKS 3, u koloni 5. bio dužan unijeti podatke o jediničnoj cijeni bez PDV-a za svaku stavku, ukupnoj cijeni bez PDV-a za svaku stavku, ukupnoj cijeni ponude bez PDV-a, Popustu, te ukupnoj cijeni ponude sa popustom bez PDV-a i ukupnoj cijeni sa popustom sa PDV-om brojem i slovima.

Provjerom računске ispravnosti u skladu sa propisanom metodologijom, u Obrascu za cijenu ponude-radovi ANEKS 3, broj: 03-01/24, utvrđeno je da je ponuđač METAL Z d.o.o. Zavidovići popunio tabelu po svim stavkama, ali računskom provjerom utvrđeno je da je prilikom popunjavanja tabele Obrasca za cijenu ponude-radovi ANEKS 3, u dijelu „I - SANACIJA FASADA“, tačka „1. PRIPREMNI RADOVI“, podtačka (redni broj) 1.9. (Pažljiva demontaža poštanskog sandučeta prije izrade fasade i montaža poštanskog sandučeta poslije izrade fasade. U jediničnu cijenu uključiti sav spojni materijal i materijal za ponovno postavljanje poštanskog sandučeta. Obračun po kom.) ponuđač pogrešno izračunao, tj. pogrešno upisao, umnožak količine („1 kom“) i jedinične cijene bez PDV-a („50“), tako da je u koloni 6 (Ukupna cijena bez PDV-a) upisao „500“ umjesto „50“ ( $1 \times 50 = 50$ ).

Članom 17. stav (5) Uputstva za pripremu modela tenderske dokumentacije i ponuda („Službeni glasnik BiH“, broj: 90/14), propisano je da se jedinična cijena stavke ne smatra računskom greškom, odnosno ne može se ispravljati.

Slijedom navedenog, u dijelu tabele Obrasca za cijenu ponude-radovi ANEKS 3, broj: 03-01/24, „REKAPITULACIJA RADOVA-SANACIJA FASADE“ TAČKA „1. PRIPREMNI RADOVI“, iznos „60.825“ trebao bi da glasi „60.375“ ( $60.825 - 450 = 60.375$ ), iznos „327.196“ (SVE UKUPNO RADOVA BEZ PDV-a) trebao bi da glasi „326.746“, iznos „55.623,32“ (PDV 17 %) trebao bi da glasi „55.546,82“ i iznos „382.819,32“ (SVE UKUPNO RADOVA SA PDV-om) trebao bi da glasi „382.292,82“.

Shodno navedenom, u Obrascu za cijenu ponude-radovi ANEKS 3, broj: 03-01/24, ukupna cijena ponude bez PDV-a iznosi 424.196 KM, a imajući u vidu računsku grešku u dijelu „I - SANACIJA FASADA“, tačka „1. PRIPREMNI RADOVI“, podtačka (redni broj) 1.9., ista bi trebala biti manja za 450 KM (razlika između 500 KM i 50 KM iznosi 450 KM), tako da bi ukupna cijena ponude bez PDV-a u Obrascu za cijenu ponude-radovi ANEKS 3, broj: 03-01/24 trebala da glasi: „423.746,00“.

U predviđenoj rubrici za popust, isti nije iskazan, tj. naveden je popust u iznosu od „0“ (nula) KM.

U skladu sa izvršenom kontrolom računске ispravnosti ponude, primjenjujući principe iz člana 5. stav 4. i člana 17. stav 2. Uputstva za pripremu modela tenderske dokumentacije i ponuda, Komisija za javne nabavke utvrdila je da tabela Obrasca za cijenu



ponude-radovi ANEKS 3, broj: 03-01/24, u dijelu „UKUPNA CIJENA PONUDE ZA NABAVKU RADOVA - UTOPLJAVANJE GLAVNOG OBJEKTA -“, treba da glasi:

<b>UKUPNA CIJENA PONUDE ZA NABAVKU RADOVA - UTOPLJAVANJE GLAVNOG OBJEKTA -</b>	
Ukupna cijena bez PDV-a	423.746,00
Popust	0,00
Ukupna cijena sa popustom bez PDV-a	423.746,00
Ukupna cijena sa popustom bez PDV-a (SLOVIMA)	četrstodvadesettrihljadesedamstočetdesetšest i 00/100
Ukupna cijena sa popustom sa PDV-om	495.782,82
Ukupna cijena sa popustom sa PDV-om (SLOVIMA)	četrstodevedesetpethljadasedamstoosamdesetdva i 82/100

Komisija je odlučila da u ovoj fazi prekine rad na daljem postupku ocjene ponude te da uputi ponuđaču METAL Z d.o.o. Zavidovići zahtjev za prihvatanje ispravke računске greške u ponudi, a shodno stavu 5. člana 17. Uputstva za pripremu modela tenderske dokumentacije i ponuda.

Odgovor po zahtjevu za prihvatanje ispravke računске greške u ponudi ponuđač je trebao dostaviti do 29.07.2024. godine (PONEDJELJAK) do 15,00 sati.

Postupak pregleda i ocjene ponuda prekinut je 23.07.2024. godine u 19,15 sati.

Dana 29.07.2024. godine Komisija za javne nabavke sa početkom u 15,00 sati nastavlja rad na pregledu i ocjene ponude, jer je ponuđač METAL Z d.o.o. Zavidovići dana 26.07.2024.godine, putem, putem e-maila dostavio odgovor br.28-01/24 od 26.07.2024. godine u kojem navodi da prihvata ispravku računске greške ponudene od strane Komisije, tako da ukupna vrijednost ponude sa ispravkom u dijelu REKAPITULACIJA RADOVA-SANACIJA FASADE” iznosi: 423.746,00 KM bez PDV-a, dok cijena sa PDV-om iznosi 495.782,82 KM.

U ovom postupku nabavke predviđeno je provođenje e-aukcije.

"E-Aukcija" je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku radova utopljanja Glavnog objekta JU „Dom zdravlja“ Zavidovići utvrđeno je da su četiri ponude prihvatljive, usljed čega je ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine).

Ugovorni organ odlučio je da e-aukciju zakaže za 01.08.2024. godine sa početkom u 09:00 sati, te da će e-aukcija trajati 10 minuta. Prvobitni rang ponuđača koji je utvrđen na osnovu cijena iz ponuda sa uračunatim popustom i na osnovu kojeg je i zakazana e-aukcija bio je sljedeći:

Ponuđač:	<b>Elektrocentar Petek d.o.o. Tuzla</b>	<b>DKM gradnja d.o.o. Maglaj</b>	<b>Metal Z d.o.o. Zavidovići</b>	<b>GP Tuzlić d.o.o. Zavidovići</b>	<b>Najniža vrijednost ponude</b>
Iznos bez PDV	<b>423.576,84</b>	<b>423.370,50</b>	<b>423.746,00</b>	<b>422.139,85</b>	<b>422.139,85</b>
Rang	3	2	4	1	

Ugovorni organ iz sistema e-nabavke, preuzeo je izvještaj o toku i završetku e-aukcije 01.08.2024. godine u 10,43 sati, te je nakon okončane e-aukcije nastavio rad na ocjeni ponuda u ovom postupku, dana 01.08.2024. godine sa početkom u 15,15 sati.

Iz izvještaja se može utvrditi da je e-aukcija trajala 1 sat i 42 minute, da su u toku e-aukcije podnošene nove ponude, te da je nakon okončane e-aukcije prvorangirani ponuđač GP Tuzlić d.o.o. Zavidovići sa najnižom cijenom ponude u iznosu od 378.500,00 bez PDV-a, drugi po rangu je ponuđač DKM gradnja d.o.o. Maglaj sa ukupnom cijenom ponude u iznosu 378.900,00 KM bez PDV-a, treći po rangu je ponuđač Metal Z d.o.o. Zavidovići sa ukupnom cijenom ponude u iznosu 399.800,00 KM bez PDV-a i četvrti po rangu je ponuđač Elektrocentar Petek d.o.o. Tuzla sa ukupnom cijenom ponude u iznosu 420.000,00 KM bez PDV-a.

Nakon provedenog postupka ocjene prihvatljivih ponuda i provedene e-aukcije, prema utvrđenom kriteriju-najniža cijena Komisija je dala preporuku da se prihvati ponuda ponuđača ponudu ponuđača GP Tuzlić d.o.o. Zavidovići prihvati kao najpovoljniju za nabavku radova utopljavanja Glavnog objekta JU „Dom zdravlja“ Zavidovići, koja je u provedenom otvorenom postupku javne nabavke, nakon e-aukcije, imala najnižu cijenu u ukupnom iznosu od 378.500,00 KM bez PDV-a, što sa PDV-om iznosi 442.845,00 KM.

Cijeneći pravilnost provedenog otvorenom postupku javne nabavke radova utopljavanja Glavnog objekta JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

**DOSTAVLJENO:**

1. GP Tuzlić d.o.o. Zavidovići,
2. DKM gradnja d.o.o. Maglaj,
3. Metal Z d.o.o. Zavidovići,
4. Elektrocentar Petek d.o.o. Tuzla,
5. a/a.



**PREDSJEDNIK  
UPRAVNOG ODBORA:**  
Mehić Elvir, dipl. pravnik